



TOSHKENT DAVLAT YURIDIK UNIVERSITETI REKTORINING B U Y R U G ' I

10.05.2023

282-tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda. Jumladan, 2023-yilning 19-20-aprel va 3-may kunlari universitet Odob-axloq kodeksi normalari va Ichki tartib qoidalariga amal qilish holati o'rganilganda, Ommaviy huquq fakulteti Davlat-huquqiy faoliyat yo'nalishi 2-kurs talabalari Qayumjonov Javohir Botirjon o'g'li, Axmadaliyev Muhammad Siddiq Asqarali o'g'li, Xayitov Sardor Boymurot o'g'li, Xamidullayev Nodirbek Ne'matulla o'g'li, Mirhayitov Mirabror Mirvosit o'g'li hamda Ommaviy huquq fakulteti Davlat boshqaruvi yo'nalishi 2-kurs talabasi Abduraufov Abduxoliq Zokir o'g'li universitet Odob-axloq kodeksi qoidalarini bilan tanishtirilgan bo'lishlariga qaramasdan universitet binolariga tashqi ko'rinishga va belgilangan etiket qoidalariga zid ravishda sochlari o'sgan, to'zg'igan, soqoli olinmagan holda kelish holati aniqlandi.

Talabalar mazkur harakatlari bilan universitet Odob-axloq kodeksi 16-moddasi birinchi qism sakkizinchi xatboshisida ko'rsatilgan qoidalarini buzgan.

Shuningdek, 2023-yil 3-may kuni universitet Ommaviy huquq fakulteti Davlat boshqaruvi yo'nalishi 2-kurs talabalari Sohbov Shahzod Shavkat o'g'li va Umarov Shohruh Shuhrat o'g'li universitet Odob-axloq kodeksi qoidalarini bilan tanishtirilgan bo'lishiga qaramasdan Davlat boshqaruvida zamonaviy menejment moduli davomida telefondan foydalanib dars mashg'ulotiga taalluqli bo'lmagan faoliyat bilan mashg'ul bo'lganligi hamda dars mashg'ulotini sifatli o'tilishiga salbiy ta'sir ko'rsatganligi aniqlandi.

Talabalar mazkur harakatlari bilan universitet Odob-axloq kodeksi 21-moddasida ko'rsatilgan qoidalarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 16-moddasi birinchi qism sakkizinchi xatboshisi hamda 21-moddasi va Toshkent

davlat yuridik universiteti Ichki tartib qoidalari (ichki mehnat tartibi qoidalari)ning 83-bandiga asosan

BUYURAMAN:

1. Universitet Odob-axloq kodeksi 16-moddasi birinchi qism sakkizinchi xatboshisida ko'rsatilgan qoidalarni buzganligi uchun Ommaviy huquq fakulteti Davlat-huquqiy faoliyat yo'nalishi 2-kurs talabalari Qayumjonov Javohir Botirjon o'g'li, Axmadaliyev Muhammad Siddiq Asqarali o'g'li, Xayitov Sardor Boymurot ug'li, Xamidullayev Nodirbek Ne'matulla o'g'li, Mirhayitov Mirabror Mirvosit o'g'li hamda Davlat boshqaruvi yo'nalishi 2-kurs talabasi Abduraufov Abduxoliq Zokir o'g'liga, Odob-axloq kodeksi 21-moddasi qoidalarni buzganligi uchun Ommaviy huquq fakulteti Davlat boshqaruvi yo'nalishi 2-kurs talabalari Sohobov Shahzod Shavkat o'g'li va Umarov Shohruh Shuhrat o'g'lilariga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):

ushbu buyruq bilan fakultet talabalarini tanishtirsin;

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

